



Broj: 13-49- 48/17
Sarajevo: 02.02.2017.godine

Na osnovu čl. 8.stav (1) i 18. stav (2) Zakona o javnim nabavkama (" Službeni glasnik BiH", broj 39/14), čl. 6. i 8. Pravilnika o javnim nabavkama Fonda memorijala KS, broj: 13-01-02-95/15 od 06.04.2016.godine Fonda memorijala, člana 6. Odluke o osnivanju Fonda Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen obilježja žrtava genocida („Službene novine Kantona Sarajevo“, br.28/04 - prečišćeni tekst, 5/05 - ispravka, 9/06 i 31/07) i člana 12. Statuta Fonda memorijala („Službene novine Kantona Sarajevo“, broj:7/05),direktor je donio

ODLUKU

o pokretanju postupka nabavke:

Pružanje usluga stručnog usavršavanja zaposlenika po svim oblastima u svrhu obezbjeđivanja obavezne edukacije u 2017.godini

JRJN: 80522000-9- Obrazovni seminari

Član 1.

Odobrava se pokretanje postupka javne nabavke Pružanje usluga edukacije zaposlenika Fonda memorijala KS iz slijedećih oblasti:

1. Edukacija vezana za provođenje i praktičnu primjenu Zakona o javnim nabavkama ("Službeni glasnik BiH", broj: 39/14) i podzakonskih akata za 2017.godinu;
2. Kontinuirane edukacije računovođa za 2017.godinu;
3. Obuke za rad na računaru, specifični program i sl. za 2017.godinu;
4. Edukacija za menadžere kvalitete i Refrešer seminari kvalitete;
5. Edukacije vezano za izmjene zakonskih propisa i drugih aktuelnih tema vezano za radne odnose;
6. Edukacija o alatima i vještinama za pisanje projekata i apliciranje na EU fondove, kao i implementaciju istih.

Član 2.

Nabavka usluga stručnog usavršavanja će se izvršiti iz sredstava obezbjeđenih u Budžetu Fonda memorijala za 2017.godinu sa pozicije 613900- ugovorene i druge posebne usluge.

Procijenjena vrijednost nabavke (bez PDV-a) iznosi 1700,00 KM.

Član 3.

Javna nabavka će se provesti po procedurama provođenja javnih nabavki koje se odnose na nabavke usluga iz Anex-a II dio B.

Fond memorijala će na svojoj internet stranici objaviti poziv za dostavu ponuda.

Član 4.

Za realizaciju ove odluke zadužuje se Sektor za pravne, ekonomske i opće poslove.

Član 5.

Ova odluka stupa na snagu danom donošenja.

Obrazloženje

Na osnovu člana 2. Pravilnika o stručnom obrazovanju i usavršavanju zaposlenika Fonda memorijala KS , broj. 13-338/09 od 28.08.2009.godine, utvrđeno je da zaposlenik ima pravo i potporu i pomoć u stručnom usavršavanju i profesionalnom usavršavanju, u cilju napredovanja u karijeri putem obuke i na druge načine u skladu sa potrebama i planom utvrđenim od strane Fonda memorijala, odlučeno je kao u dispozitivu.

Ponuđači koji dostavljaju ponude i pozive za edukaciju i stručna usavršavanja moraju biti ovlašteni za rad te raspolagati stručnim kadrom koji će vršiti edukaciju i stručno usavršavanje u određenim oblastima.

Fond memorijala će na osnovu dostavljenog poziva izvršiti analizu tema i sadržaja edukacije, te ukoliko se opredijeli za istu, dostavit će pismene prijave na edukaciju jednog ili više zaposlenika.

Nakon ispostavljene originalne fakture od strane dobavljača, Fond memorijala će izvršiti plaćanje iste, a po potrebi dobavljaču će isporučiti narudžbenicu ili drugi dokument.

Na osnovu naprijed navedenog, odlučeno je kao u članu 1. ove Odluke.

DIREKTOR
Nurudin Džiho, dipl.pravnik

